



**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. I. Quid & quotuplex sit dispensatio?

---

[urn:nbn:de:hbz:466:1-74152](#)

## ARTICULUS IV.

### *De dispensatione legis humanæ.*

#### SUMMARI A.

1. *Definitio dispensationis.*
2. *Datur potestas dispensandi.*
3. *Dividitur dispensatio in particularem & totalem.*
4. *In tacitam & expressam.*
5. *In directam & indirectam.*
6. *Dispensatio est stricta interpretationis, non potestas dispensandi.*
7. *Superior sine justa causa validè quidem, sed non licet dispensari.*
8. *Inferior & delegatus invalidè.*
9. *Varia causa, ut inferior dispenset in lege Superiori.*
10. *Quia potestas dispensandi est ordinaria.*
11. *Corollaria.*
12. *Potest Prelatus secum dispensare indirecte.*
13. *Potest dispensare cum vagis.*
14. *Cum forensibus secundum theoriam probabilitatis non potest.*
15. *Secundum praxim potest.*

#### §. I.

*Quid & quotuplex sit dispensatio?*

1. *Dispensatio est relaxatio legis pro aliquo, vel pluribus personis, aut casibus facta ab habente legitimam potestatem, manente vigore legis ex parte materie. Dicitur primo, relaxatio legis; quia formalis effectus ipsius est, eximere subditum à vinculo, & rigore legis, ideoque à D. August. relato in c. ipsa pietas. 23. q. 4. vocatur *vulnus contra integratam severitatem*. Secundo, pro aliquo, vel pluribus; quia si sit pro omni persona, & casu, non erit dispensatio, sed abrogatio legis. Tertiò, ab habente legitimam potestatem; quia est actus jurisdictionis, ex quo distinguitur ab interpretatione & epikia. Quartò, manente vigore legis ex parte materie; hoc quippe ablato, & mutata materia, legis obligatio non amplius ad illum casum extenditur, vel per epikiam ad illum se non extendere declaratur.*

2. *Dari potestatem iuste & licite dispensandi in lege humana, docet D. Th. q. 97. a. 4. & demonstrat praxis quotidiana: insuper suader ratio: nam datur potestas legem totam abrogandi quoad omnes: ergo etiam eandem remittendi quoad aliquos. Sed neque leges, neque senatus consulta ita scribi possunt, ut omnes casus, & qui quandoque incident, comprehendantur, sed sufficiat, ea, que plerumque accidenti, contineri, l. 10. ff. de leg. unde varie dari possunt cause rationabilis unum alterumve à generali legis vinculo eximendi: ut, aliqua legem servandi difficultas, non tamen adeò magna velevidens, ut quis per seipsum epikia uti possit, vel dignitas personæ, ejusve erga Rempubl. merita & obsequia, quorum intuitu æquum est eandem à communibus oneribus eximi, ut habetur in c. de multa. de prabendis.*
3. *Dispensatio dividitur primò in particularem & totalem. Totalis est, quæ obligationem legis*

ex toto; particularis, quæ illam tantum ex parte relaxat: ut si dispensetur tam quoad obligationem culpa, quam poena, erit totalis; si tantum quoad obligationem poena remanente obligatione culpa, erit particularis dispensatio.

Secundò dividitur in tacitam & expressam. Tacita est, quæ signis obscurioribus; expressa vero, quæ signis evidenter exhibetur, putat per verba sufficienter significativa voluntatem dispensandi, quæ non sunt in jure determinata, neque necessariò dantur in scripto, nisi id jure expressè statutatur. Tacitæ dispensationes exemplum habet, si Prelatus sciens te lege impeditum, aliquid injungat, vel concedat, quod incompatibile sit cum lege; e. g. si sciens te irregulariter, concedat dimissoriam ad suscipiens SS. Ordines, vel beneficium conferat, censetur tacite dispensare in irregularitate, eo quod non possit prudenter presumi, velle Superiori, ut subditus agat contra legem. Gordon. l. 2. q. 13. n. 4. Palo disp. 6. punct. 12. Sanch. l. 8. de matrim. disp. 4. n. 2. Meritor tamen communis DD. calculò removet à dispensatione tacita præsumpta voluntas, vel ratihabito superioris de futuro, quia dispensatio à lege deobligans est voluntas Superioris praesens, vel antecedent actum, non qua tantum est, vel erit. Sic ut aliquis in vetito gradu cum consanguineo legitime contrahat, non sufficit quod præsumat à Pontifice obtinendam dispensationem &c. Ita Salmant. c. 5. punct. 2. n. 12.

Tertiò. Dividitur in directam seu immediatam, & in indirectam seu mediata. Directa est, quæ dispensat Prelatus cum subditis; indirecta, quæ secum ipse dispensat: idque duobus modis contingit; primò quando cum tota communitate dispensans v. g. in lege jejuniis, vel feli, hec ipso à lege naturali ad observantiam sue legis non amplius obligant. Secundò, quando dat alteri, v. g. Confessario facultatem dispensandi cum sua persona.

#### §. II.

*Quibus, & cum quibus conveniat potestas dispensandi?*

A Liud est dispensatio, aliud potestas dispensandi. Illa tanquam vulnus legis, coquod odiosa restringi debet, que enim a jure communice exorbitant, nequaquam ad consequentiam sunt trahenda per Reg. 28. potestas vero dispensandi, tanquam conceila in favorem dispensantem ampliari gaudet. Potestas dispensandi alia est ordinaria, alia delegata. Ordinaria competit Legislatori, ejusque successori, aut utriusque Superiori; delegata convenient inferioribus, qui illam sibi à Superioribus commissum accipiunt. Ratio est clara: quia dispensare est actus jurisdictionis voluntariae, quo tollitur legis obligatio; ergo ordinaria potestas dispensandi competit habentibus jurisdictionem ordinariam; delegata habentibus delegaram.

Linde